

N° 118

Novembre de 2011

6,00 €

Papagai

Pastoret lo canhon pichon

Lo sòmi del pompièr

Lo barbarós



DESCOBRÍS LOS ANIMALS

LO BARBARÓS



Lo barbarós que s'apèla tanben lo papachrós, viu pels òrts o a l'entorn dels ostals. Es un aucèl que demòra sovent al ras dels òmes. Sap que i a per manjar dins los òrts quand la tèrra es trabalhada. I tròba de vèrms pus alsidament. Manja d'insèctes o de frucha quand n'i a.

Lo mascle e la femèla an cadun lor territòri. Lor agrada pas qu'un autre barbarós i venga metre lo nas : es lor territòri reservat. Lo novèl vengut a lèu comprés que i es pas planvengut.